

## Nulepa Covo pawl le Procedural Safeguards (Phunglam Kilvennak pawl)

Nangmah nih phaisa na pek khawhnak-lei asilole nulepa na sinak i naa telnak caah liamnak na tuahnak-lei ca i biakhiahnak kongkau ah na lung a tlin lo ahcun, nangmah nih cun Early Intervention Parent Rights cazual chung i langhter mi ning tein nangmah nih cu covo pawl cu na ngeih dih hna.

Cu chung ah cun Ohio Department of Children and Youth or (Ohio i Ngakchia le Mino caah Riantuannak-lei Zung) sin ah phunzainak kha catialmi tinnak nawl asilole karlak lut in remnak ser piak tu ding mediator hmanna nawl silole nangmah na ton mi harnak remhpiak ding ah biaceihnak lei riantuantu sin chimnak nawl pawl an i tel.

Na EI Service Coordinator sinah bawmhnan hal asilole nulepa pek piaknak asilole nangmah tein na pek khawhnak kong thawngthanhnak na hmuh in ni 30 chungah cattialnak in zohfelnak hal khawh a si:

Ohio Early Intervention,  
Ohio Department of Children and Youth  
P.O. Box 183204  
Columbus, Ohio 43218 ah

Nangmah tein na pek khawhnak kong asilole nulepa pekpiaknak kongah a palh tiah na ruahnak a ruang pawl kha telh law silhnalh khawhnak a phi zong na ruahnak rak telh chih. Zung lei nih cun catialnak in biakhiahnak an tuahnak cu nangmah sin ah nangmah nih zohfelnak tuah piak ding in na hal mi hna an hmuh ni thawk in calendar nithla rel ning in ni 20 chung ah an in pek lai.



Department of  
Children & Youth

Help Me Grow Early Intervention

## PHAISA PEKNAK LEI NINGCANG PAWL



The Individuals with Disabilities Education Act or IDEA (Pum Atlamtling lomi/ Umtu sining lei thanchonak a nuar mi pawl ca Pumpak sining zoh in Cawnnak-lei Tuah khawhnak Upadi silole IDEA), nih cun acheukhat Early Intervention (EI) cawlcanghnak tuahnak le riantuanpiaknak pawl cu nulepa caah phaisa liamternak zehmanh umloin tuahternak kha a herh tawn. Hngakchia kawlnak, asining zohfelnak le chekhatatnak tuahnak, Individualized Family Service Plan (IFSP/Pumpak sining zoh in Chungkhar caah a herh mi bawmhnan pek ding in timhtuahnak) ser i thanchoternak, phunglam kilvennak pawl, le pek mi riantuanpiaknak pawl aa tlakning tein siternak pawl cu mipi caah bawmhnan phaisa pek mi in tuah mi an si i nulepa nih zeibantuk phaisa liamternak hmna um lo in pek mi bawmhchanhnak pawl an si.

IFSP Phu thil thuaning zul in a hlei in EI riantuanpiaknak pawl<sup>1</sup> pekna cu a herh tiin biakhiahnak tuah asi. Hi a hlei EI riantuanpiaknak pawl chungin<sup>2</sup> a a tam bik unit 100 tiangu IFSP kum<sup>3</sup> pakhat cio ah aatlakmi hngakchia pakhat cio caah nulepa pawl cu a maan liamternak zehmanh umlo in riantuanpiaknak pawl pek dih an si. Hi bawmhnan pek mi riantuanpiaknak pawl cu nulepa hnatakpina pekna in nulepa le hngakchia ca insurance pekna pawl telh in umnak hmun i minung pawl, umnak state le federal i mipi caah tiin phaisa bawmhnan an pek mi pawl zapi cawh mi sin in phaisa bawmhnan pek mi pawl an si.

Ahmasabik IFSP meeting hlan ah, EI Riantuanpiaknak Tawreltu nih cun Ohio's System of Payments rule (Ohio i System Phaisa pekning ca zulhning) ([ohioearlyintervention.org/federal-and-state-regulations](https://ohioearlyintervention.org/federal-and-state-regulations)) pawl kong kha tha tein theihfiang ding in an chimh lai, cun, nangmah he IFSP kum chung ah mipi nih phaisa pek in bawmhnan an pek mi cawnnak 100 a lonnh hnu ah EI riantuanpiaknak pawl a herh mi caah phaisa-lei he aa pehtlai mi tuanho laknak cu na ngei lai maw ngei lai lo timi kha biakhiahnak a tuah te lai.

EI riantuanpiaknak pawl ngahnak ding caah zeibantuk phaisa-lei liamnak pawl caah nangmah cu tuanho ngeitu na si lai lo.

- nangmah asilole na fa cu WIC asilole Ohio Medicaid ah min cazin pek cia mi nan si ahcun, nan chungkhar zapi nih hmuh mi lahkha cu [Ohio Healthy Start](#)<sup>4</sup> insurance a ngei lomi hngakchia caah aa tlakmi sinak nak in a tlawm deuh asilole cu he aa zat mi asi ah cun,
- asilole nan chungkhar nih cun IFSP kum chung ah a hlei deuh in ngandamnak-lei le sii-lei caah phaisa dihnak tamtuk nan rak tuar cang ahcun.

Na EI Riantuanpiaknak Tawreltu nih cun atanglei bantuk aa telmi thil sining phun pawl kha theihternak le fianternak an tuah lai. Nangmah nih cun hibantuk phaisa-lei he pehtlai in aa tlakmi sinak na phak khawh lo asilole nangmah nih cun phaisa-lei kong kau he pehtlai in thawngthanhmi pawl cu aho sin hman ah theihternak tuah lo ding in na thim ahcun, nangmah nih cun IFSP kum chung i cawnnak 100 a lonh hnu i a hlei in pek mi EI riantuanpiaknak pawl zapi ca lawng ah na pek te lai. Na EI Riantuanpiaknak Tawreltu nih cun zeitindah EI ca phaisa bawmhnan an pek mi cu rian a tuan ning asi timi le nangmah nih na thim ning tein IFSP cu zeitindah ser i thanter asi timi kha theihternak an tuah lai.

Na fa i IFSP phu chung i aa telmi pakhat sinak in, IFSP aphichuak pawl phanh khawhnak ding ah zeibantuk riantuanpiaknak pawl dah hman a si lai i cu riantuanpiaknak pawl caah zeizah dah a dih lai timi pawl biakhiahnak tuahnak ding ah nangmah nih na bawmh te hna lai. Na EI Riantuanpiaknak Tawreltu nih cun a herh mi riantuanpiaknak pawl le na IFSP cu phaisa bawmhnan pek in ser i thanter ding in asilole zeitindah thlennak tuah asi lai timi pawl tuah khawhnak ding ah nangmah he khan rian a tuan ti lai.

1 A hlei in ngah khawhmi a hlanan in khamnak services ah a tanglei pawl hi an i tel: awthawng theihnak lei, hman a herh mi seh thilri pawl hman thiam ding in technology lei bawmhnan pekna le riantuanpiaknak pekmi pawl, a hlei deuh in cutin tuah ding tibantuk hmuhsaknak tuahnak, rian tuan kho ding mi dirhmun phan ding in thlopnak, pum cawlcanghnak, thlopnak pekna, holh/chim kho ding in thlopnak le IFSP aphichuak pawl tlinh kho ding in a herh mi a dang bawmhchanhnak pawl.

2 Unit pakhat cu riantuanpiaknak i suimilam pakhat asilole hman mi thilri hman thiam ding in seh lei thiamnak (technology) lei bawmhnan pekna man \$100 he aa tluk IFSP phu nih biakhiahnak an tuah ning in, caan tlawmpal silole tangka (dollar) tlawmpal cu unit pakhat he aa tlukruannak caah hman khawh a si.

3 IFSP kum timi cu IFSP tuahhramthawk nak nithla silole kumfatin rak thawk ding in minthutnak rak tuah mi nithla, le aralaimi kum fatin IFSP caah minthutnak tuah hlan i a dih mi nithla kha a ti duh mi asi.

Ohio Healthy Start kong he pehtlai in thawngthanhmi tam deuh cu hika: <https://ohioearlyintervention.org/system-of-payments> ah hin hmuh khawh asi.

Ohio Department of  
Children & Youth

Mike DeWine, Governor  
State of Ohio (Ohio Ramkulh Uktu)

Kara B. Wentz, Director (Uktu)  
Department of Children and Youth  
(Hngakchia le Mino lei he aa pehtlaimi  
Zung)  
(Rev. 07/2024)

Hi institution (ngaktah sianginn, tar  
zohnak inn, tbt) cu aa tluk ruang tein  
caantha apetu le rianapetu an si.

# TUANDEUH AH KARLAK TENH I RIANTUANPIAKNAK CAAH PHAISA PEKNAK

Nangmah i Early Intervention (EI) Riantuanpiaknak Tawreltu nih cun Ohio i System ca Phaisa peknak-lei zullhphung kong ([ohioearlyintervention.org/federal-and-state-regulations](http://ohioearlyintervention.org/federal-and-state-regulations)) cu fiang tein an chimh lai i na hal ning tein copy pakhat cu an pek lai. Zullhphung nih cun EI riantuanpiaknak pawl caah phaisa peknak tuah ding in na thim nak pawl le riantuanpiaknak pawl caah phaisa pek ding in bill kuat hlan ah nulepa hnatlakpinak cu a herh tiin a langhter.

Na EI Riantuanpiaknak Tawreltu nih cun na fa caah zeibantuk service pawl hi dah maan hau loin tuah khawh mi cu an si timi le riantuanpiaknak pawl cu nangmah nih phaisa na liam a hau lai timi kha a zohfel lai. Na EI Riantuanpiaknak Tawreltu nih cun EI riantuanpiaknak pawl caah nangmah i pumpak asilole mipi ca tuah mi insurance sin ah phaisa pek ding in bill a kuat hlan ah nangmah i hnatlakpinak cu a herh timi kong le aa tlakmi sinak le phaisa peknak-lei kong i biakhiahnak an tuah mi pawl ah azukhan (appeal) tuah khawhnak ding covo pawl na ngeih nak kong kha tha tein an chimhfian lai.

## Private Insurance (Pumpak aamahkhan) kha hmang in

Medicaid asilole Medicare bantuan asimi umnak state silole federal program pawl chung ah aa tellomi insurance pakhat khat private insurance kha rianpetu pawl, chawlehnak lei union pawl asilole adang phus hmangin pek a si tawn.

EI riantuanpiaknak pawl caah phaisa peknak tuah ding in nangmah i pumpak insurance kha na hman hlan ah nangmah nih cun hnatlakpinak cu na pek hmasa hrimhrim hna lai. Na EI Riantuanpiaknak Tawreltu nih cun EI riantuanpiaknak pawl caah nangmah pumpak hman mi insurance in phaisa peknak pawl na tuah ah asikhomi phaisa dihnak pawl kong asikho mi caan-sau phaisa dihnak pawl asilole kumkhat chung asiloah nunchung liampiaknak tuahnak pawl ca chiah mi ri na lonh sual ahcun ngah tawn mi thathnemnak pawl sunghnak pawl tbt telh in cu pawl caah a dih mi hnga ding mi pawl kha tha tein an chimhfianh lai.

Nangmah nih hnatlakpinak na pek hna ahcun, nangmah tein nangmah i na ngeih mi insurance premium pawl caah phaisa peknak cu pek zulh in na tuah a hau lai asinain EI riantuanpiaknak pawl caah ahmasabik cawwnak 100 ca i co-pay in phaisa peknak pawl asilole deductibel an in tuahnak in phaisa peknak pawl cu na tuah a hau lai lo.

Nangmah nih cun pumpak hman mi insurance na ngeih i EI riantuanpiaknak pawl caah nangmah cu phaisa peknak lei kong ah tuanho ngei cu na silo tiin biakhiahnak tuah cia mi na rak si asiahcun, nangmah nih cun co-pay in phaisa peknak asilole deductible tuahnak pawl in phaisa peknak pawl zehmanh na tuah a herh lai lo.

Na EI Riantuanpiaknak Tawreltu nih cun na IFSP ah khan EI riantuanpiaknak pawl a huap piin tuah piaknak ca ding ah silole a dih mi zat a karh ah, a caan a sau deuh ah tbt caan pawl ah nangmah sin in hnatlakpinak cu an hal than peng lai.

## Public Insurance (mizapi ca aamahkhan) kha hmang in

Medicaid cu mizapi caah tuah mi insurance program pakhat asi. Pumpak in Medicaid ah min cazin peknak tuah a rak si tik ah EI service pawl caah EI riantuanpiaknak pawl caah tiin phaisa peknak, asilole premium in pek mi pawl caah, copay tuahnak pawl asilole deductible pawl caah phaisa liamternak zehmanh a um lo.

Medicaid hmanna thawng in, punghman tein Medicaid lei in hmuh mi thathnemnak pawl ngahnak ding min cazin peknak asilole riantuanpiaknak pawl lak ti loin ngoltu sinak caah min cazin peknak ding kha pehzulh ti lo zong ah zehmanh tih a nung mi a um lo, cun nunchung paoh liampiak asilai tiin a ngah mi pawl ngahnak lei ah a zor ter mi zehmanh a um fawn lo asilole a dang insurance sin in thathnemnak hmuhnak lei ah zehmanh a zor ter lo.

Na EI Riantuanpiaknak Tawreltu nih phaisa pek ding in bill kuatnak ding caah Ohio i Department of Medicaid (Medicaid) zung he khan na fa i a min le Medicaid nambar kha an sin ah theih ternak tuah ding in hnatlakpinak cu an hal te lai. Hnatlakpinak na pek ahcun, nangmah nih cun na pek mi na hnatlakpinak cu na thawn khawh than.

## Public & Private Insurance (Mizapi & Pumpak Aamahkhan)

Nangmah nih cun mizapi nih hman mi asilole pumpak hman mi insurance a pahnih tein na ngeih ahcun, EI riantuanpiaknak pawl caah phaisa peknak lei kong he pehtlai in tuanho zehmanh na ngei lai lo.

Na EI Riantuanpiaknak Tawreltu nih cun EI riantuanpiaknak pawl caah tiinnangmah i mipi nih hman mi asilole pumpak hman mi insurance ah phaisa peknak ding bill kuat hlan ah nangmah sin ah hnatlakpinak cu an hal hmasa hrimhrim lai.

## Nangmah huhphen khelkham piaknak ding pawl

EI riantuanpiaknak pawl cu co ding in aa tlakmi hngakchia sin ah atanglei bantuan atlamtling lomi pakhat khat um ruang ah hnu deuh ah bawmhnak pek asilole bawmhnak pek ding in al piak tuah asi lai lo:

- EI riantuanpiaknak pawl ca a dih mi maan peknak caah hngakchia silole nulepa i pumpak insurance hman dingin nulepa hnatlaknak a um lo ah;
- hngakchia i silole nulepa i min cazin peknak cu mipi ca hman mi insurance program pawl ah rak peknak a um lo ah;
- silole hngakchia i a mah a si hrim ko tiin pumpak in-theih khawh ding asimi thawngpang cu mipi nih hman mi insurance progam pawl theihternak tuah ding ah nulepa hnatlakpinak a um lo ah.

EI system nih cun EI riantuanpiaknak pawl conak ding caah a herh mi sining caah tiin mipi nih hman mi insruance program pawl ah minpeknak tuah ding ah hngakchia asilole nulepa cu a herh hna lo, sinan tein cubantuk program pawl cu an um i zeitindah min cazin peknak tbt cu tuah asi timi thawngthanhnak cu an theiher khawh men. Hngakchia silole nulepa cu mipi ca hman mi insurance program ah min peknak a rak tuah rih lo ahcun, EI system nih cun EI service pawl caah hngakchia asilole nulepa i mipi ca hman mi insurance cu riantuanpiaknak pawl caah phaisa pek ding in a hmang lai lo silole hngakchia silole nulepa cu mipi ca hman mi insurance ah minpeknak a tuah ter lai lo.

EI riantuanpiaknak pawl caah hngakchia asilole nulepa i mipi ca hman mi insurance kha hman asi caan ah, EI system nih cun:

- Phaisa bill kuatnak ding caah mipi ca hman mi insurance program ah mah hngakchia hi asiko tiin pumpak hngalh khawhnak a tuah mi thawngpang pawl cu midang theihternak ding caah voi-khat ca nulepa nih hnatlakpinak, ahramthawk cu a ngah dih lai;
- nulepa nih hnatlaknak a pekmi IFSP chung i EI riantuanpiaknak pawl hna kha hman khawh ding in a tuah lai.

Nulepa nih phaisa pek ding in an tuah kho lai lo tiin biakhiahnak tuah asi tik ah, riantuanpiaknak co ding in aa tlakmi hngakchia cu IFSP kum chung ah cawwnak 100 (unit) leng a lonh mi EI riantuanpiaknak pawl telh in IFSP nih a herh tiin langhter asimi EI riantuanpiaknak pawl cu hngakchia asilole nulepa sin ah phaisa liamternak zehmanh um loin pek dih asi lai.

Nulepa hna nih unit 100 a lonhmi EI riantuanpiaknakaman pawl pek dingah tuanho an ngei lai, hi ah hin pumpak insurance pektimi le zuhkhawhmi pawl aa tel i, IFSP ah aphichuak pawl tlinh a hau, EI riantuanpiaknak man a hau lomi dah ti lo cu.

Nulepa pakhat cu EI riantuanpiaknak pawl caah a dih mi maan tak tak (cubantuk riantuanpiaknak pawl caah phaisa peknak tuah ding ah a dang bawmhnak ngahnak sin in phaisa zei maw zat rak hmuh cia mi a um mi pawl telh in) nak leng in liamternak zehmanh tuah asi lai lo.

Pumpak ca asilole mipi ca hman mi insurance a ngei mi hngakchia asilole nulepa pakhat cu mipi ca asilole pumpak ca hman mi insurance a ngei lomi hngakchia asilole nulepa nak in an mah he aatluk loin tam deuh in phaisa liamternak tbt zehmanh tuah a si lai lo.

EI riantuanpiaknak pawl cu co ding in aa tlakmi hngakchia sin ah EI riantuanpiaknak pawl caah a nulepa nih phaisa peknak an tuah khawhlo ruang ah hnu deuh ah bawmhnak pek asilole bawmhnak pek ding in al piak a um lai lo.